



Akcija **SIPA-e** u Lukavcu

Pretrjesli objekte dilera uhapšenog u Švedskoj

Policijski službenici Državne agencije za istrage i zaštitu (**SIPA**) pretresli su jučer objekte na dvije lokacije na području Lukavca radi pronalazjenja i privremenog oduzimanja predmeta koji mogu poslužiti kao dokaz da je počinjeno krivično djelo neovlašteni promet opojnim drogama.

Pretreseni su objekti koje koristi osoba M. D. (35), koja je u prethodnom periodu lišena slobode u Švedskoj, saopćeno je iz **SIPA-e**.

Navedene aktivnosti realizirane su prema naredbama Suda BiH i Tužilaštva BiH prema zah-

tjevu nadležnih organa Švedske za pružanje međunarodne pravne pomoći, a u saradnji sa službenicima Policijske uprave Lukavac.

Tokom pretresa pronađeni su i privremeno oduzeti predmeti koji mogu poslužiti kao dokaz u postupku koji vodi nadležno tužilaštvo u Švedskoj, i to SIM kartice, memorijske kartice, ceduljice s telefonskim brojevima i imenima i drugi predmeti. Sudu BiH i Tužilaštvu BiH **SIPA** će tokom dana dostaviti izvještaje o preduzetim aktivnostima i privremeno oduzete predmete.